

SANCTISSIMI DOMINI NOSTRI

P I I

DIVINA PROVIDENTIA

PAPÆ SEXTI

ALLOCUTIO

H A B I T A

IN CONSISTORIO SECRETO

Die xxvii. Septembris MDCCLXXX.

IN PROPOSITIONE COADJUTORIÆ

ECCLESiarum COLONIENSIS, ET MONASTERIENSIS

PRO REGIO PRINCIPE

MAXIMILIANO ARCHIDUCE AUSTRIÆ.



ROMÆ MDCCLXXX.

Ex Typographia Rev. Cameræ Apostolicæ.

11
THE OFFICE OF THE SECRETARY

MINISTER OF THE INTERIOR
AND
LOCAL AFFAIRS
C. E. T. O. C. L. E. L.
R. M. & M. M.

OFFICE OF THE SECRETARY

MINISTER OF THE INTERIOR

AND

LOCAL AFFAIRS

MINISTER OF THE INTERIOR

AND

MINISTER OF THE INTERIOR

AND



VENERABILES FRATRES



LECTISSIMUM in Christo
Filiū Nostrum MAXI-
MILIANUM ARCHIDUCEM
AUSTRIÆ, cui Aposto-
lica auctoritate concessi-
mus, ut in Coadjutorem
futurumque Successorem eligi posset VENE-
RABILIS FRATRIS Colonienſis, & Monaste-
rienſis Antistitis, in id ipsum consentientis,
idque a Nobis etiam ob proſectam ætatem,
gravissimasque ob causas enixe flagitantis,

jam in utrisque nuper habitis Capitulorum Comitijs electum suffragijs omnibus, cooptatumque esse plurima cum jucunditate accepimus. Præter cætera Austriacæ Domus ornamenta, propriis Regium Principem pietatis religionisque laudibus florere Nos ipsi, Vobiscum facile perspeximus, cum quinque ab hinc annis aliquo temporis spatio hic apud Nos commoratus esset, neque ullis propterea testimoniis, etsi plurima luculentissimæque suppeterent, indiguimus, quin præclarè de egregia illius indole assentientibus Bonis omnibus judicaremus. Propterea nequaquam obesse Nobis posse visa est nondum plane matura muneri Episcopatus subeundo illius ætas, cum adhuc superstitite atque incolumi Colonienſi, & Monasterienſi Antistite, cui succēssurus est, animum ipse una cum ætate in gerendis Pastoralibus curis magis in dies confirmare possit, cumque in hoc ipso secuti Nos simus Prædecessorum Noſtrorum exempla, qui antea ex Austriaca Familia minores etiam natu, quam MAXIMILIANUS nunc sit, ad ejusmodi Ecclesiastica munera provehēdos non sine summa ratione sunt arbitrati.

Eos

Eos enim, qui essent ex hujusmodi clarissimis & potentissimis Familiis optimeque de Catholica Religione meritis ad regendas delecti Ecclesias, quæ præsertim in A catholicorum finibus sint constitutæ, maxime ipsis prodesse & consulere posse existimarent, atque abunde, quod deesset ætati, tanta spe utilitatis esse pensatum. Quin memoria repetentes sacros præteritorum Ecclesiæ temporum annales, cum intelligamus multos ad Episcopatum evectos in ipso adolescentiæ flore, eximiis statim virtutum fructibus exuberasse, quid ni magnas, egregiasque Nos habere causas in MAXIMILIANO lætemur, præclara Nobis omnia de illo pollicendi, cum suas explicare Regias animi dotes in Episcopatu cœperit? Ac jam nunc ipsum Deo vocanti obsequentem, suscepto ecclesiastico habitu, ecclesiasticis itidem Ordinibus aliquot per Viennensem Nostrium Nuncium initiatum, ac plurimam sacris studiis pietatique navantem operam, nonne ad eximium usquequaque informari dicemus Episcopalis vitæ specimē, atque illud exequi Beati Pauli monitum, dum ad Timotheum in hæc verba scriberet: *Nemo*
ado.

adoleſcentiam tuam contemnat , ſed exemplum eſto Fidelium : Hæc Nos Vobiſcum , VENERABILES FRATRES , libentiſſime communicamus , ut nedum excellentium virtutum expectationem , ſed præſens etiam excitemus in Nobis ac percipiamus gaudium ex redundaturo non ſolum in ampliffimas Eccleſias Colonienſem & Monaſterienſem emolumento , ac decore , ſed in univerſam etiam Catholicam Eccleſiam , ac Religionem præſidio atque incremento . In id ipſe pares præſtanti huic voluntati ſuæ , opes etiam facultateſque afferet atque adjunget , & ex maxima Auftriacæ Familiæ dignitate , & ex ſingulari potentiffimæ amantiffimæque Parentis , atque Auguſtiſſimi Fratris Germani gratia . In domeſticis etiam præteritorum temporum exemplis , jam a ſeculo XIII. repetitis , abunde habet , quos in ſuſcepto eccleſiaſticæ atque episcopalis vitæ genere non ſolum imitetur , verum etiam conſtanti virtutum æmulatione rerumque gerendarum opportunitate anteire poſſit ac præcurrere . Sed inter ceteros præterire ſilentio non poſſumus , qui fama ac meritis eminet , Cardinalem Andream ab Austria , quem
Eccle-

Ecclesias Constantiensem , ac Brixinensem summa pietatis laude religionisque studio moderatum esse non ignoramus : Catholicæ præsertim fidei propugnatoris fuit acerrimus , commissosque sibi Populos ab hæreticorum tum præcipue grassantium pravitæ , sua vigilantia atque auctoritate tutatus est , ac Etherodoxorum etiam plurimos nominis virtutibus , quam consiliis suis ab errore revocavit : Dum Anno Jubei singulare suæ pietatis exhiberet specimen , ac e Belgio Romam sub peregrinantium habitu latens advenisset , agnitus porro , ac statim a Clemente VIII. in Vaticanum vocatus , hospitioque exceptus , ibidem in morbum incidit , quo in dies ingravescente , demum in paterno illius sinu , atque complexu , migrante ad Deum animo , maximo dolore luctuque omnium extinctus est . Proinde merito magnum ipsius nomen erat , dum viveret , apud omnes ejus temporis Romanos Pontifices , magna laus , actionumque admiratio . Nos item hanc illius memoriæ laudem nostro hoc tempore in Austriaco Principe MAXIMILIANO renovandam esse , majorem in modum confidimus , ob expref-

pressam ipsius regiae indolis præstantiam, quam præcipue præferet & confirmabit, cum maximo succedet oneri, & in gerendo S. R. I. Electoratu & quod primum ac præcipuum est, in moderandis sacrarum Ecclesiarum Dioecesibus, curanda animarum salute, divinaque gloria provehenda. Propterea eximia in illum paterna caritate inflammati, ac Sanctæ hujus Sedis beneficiis eundem ultro prosequentes, jam quod nunc ad rem pertinet

Sequitur Propositio Ecclesiarum Colonien., & Monasterien. in forma consueta.

